

Maitlriege und Gym-Dance Brätle am Mittwoch 10. Juni 2015

Füür, Rauch, Würscht und Grillroscht,  
en Ice Tea bruchts au no für dä Durscht.  
AntiBrumm, Marshmallows, Chips und Tofublätzli,  
alli sueched sich bim Reservoir es schöns Ässensplätzli.

80 Maitli vom Gym-Dance und dä Maitlriege,  
hüt fiired mir 50 Jahr brätle, das mues giege.  
En Postelauf mit Schoggibanane näbed em grilliere,  
da wänd d Maitli natürlich brilliere.

Ideerichtum, es guets Gedächtnis und Spontanität,  
Glück und Fitness, bim Springseile zählt Quantität.  
Hüt isch es für alli Leiterinne eifach zum Leite,  
d Maitli bruched aber au no dichterischi Fähigkeite.

Spiel, Spass, 50 Jahr, Maitlriege und Russikä,  
gar nöd sö eifach, all die Wörter irgendwie iizpacke.  
Es studiered alli fliessig mit,  
da sind ihri Gedicht, und sie sind wüerklich dä Hit!

D Maitlriege Russikä hät scho 50 Jahr hinder sich lah, und niemert möcht sie meh verlah.  
Spiel und Spass, alli gäbed Gas.  
D Leiter sind stolz uf d Chind, und mir sind froh, dass mir debi sind.  
Es git 3 Stufe, und mängisch chömed mir au is Schnuufe.  
Im Gym-Dance tanzed alli mit, drum sinds so fit.  
Chlaus, Brätle, Reis und Wettkämpf ghöred dezue, und mängmal stinked sogar eusi Schueh.  
Es macht eifach alles Spass, und im Summer werded mir au mal nass.

Mir händ Spass, mängmal au ohni Mass.  
I dä Maitlriege Russikä isch es sit 50 Jahr bunt, und es lauft immer rund.  
Mängmal mached mer den Deal, und dänn gits ändlich wieder mal es Spiel.  
D Leiterinne sind guet, sie mached eus Muet.  
D Raffi, isch e taffi.

D Maitlriege Russikä isch scho sit 50 Jahr cool, und mängmal händ mir chli es grosses Muul.  
Mir mached vill Spiel und das macht Spass, d Maitlriege Russikä isch es Ass.  
9 Jahr isch mer mit debii, und dänn sind die andere z chli.

I dä Maitlriege Russikä händ mir Spass am Spiel, sit 50 Jahr gits sie scho, das isch zimlich viel.  
Alli Maitli dörfed cho und gah, drum händ mir so Freud da dra.  
Hüt sind mir am Brätle, und dänn müend mir no chli rätle.

D Maitlriege Russikä gits scho sit 50 Jahr, mir händ Spass und spieled Spieli da.  
D Leiterinne sind kreativ, und meischtens au aktiv.  
Händ eu gärn, das merkt mer au vo färn.  
Bitte wähled eus, mir freued eus.

50 Jahr Spiel und Spass, nur d Maitlriege Russikä cha das.  
Bim Chlaus, am Brätle oder uf dä Reis, mängmal mached mir au chli Meis.

En wunderbare Abig, nöd z heiss, nöd z chalt,  
mit so villne Maitli, das gfallt eus Leiterinne halt.  
Mir freued eus uf die nächschte 50 Jahr Maitlriege Russikä,  
und säged allnä wo mithälfed eifach nur VILLMAL DANKÄ.